

ЧЕРКЕ да тудын Таинствыже-влак



Паледа мо, черке мут мом ончыкта? Тиде мутын икмын-яр значенийже уло. Тиде мут Господьын пöртшö манмым ончыкта, тугеже тудо Юмо дене пырля лийме вер.

Черке – тиде эше погынымаш. Тугеже – Черке – тиде Христослан ұшаныше-влакын погынышт. Юмылан, Эн Святой Троицылан да Иисус Христослан ұшаныше-влакын тўшкаштымат Черке маныт.

Юмын Эргыже Иисус Христос мемнам сулык да курымаш колымаш деч утараш толын. Тудо мыланна сулык касарымашым, курымаш илышым да Пылпомыш Ку-

гыжанышым пуэн. Черкым Христос Шкенжын Ылыж кы-нелмыж деч вара витлымше кечын негызлен. Тудо апостол-шамычлан ик пöртыш погынаш кўштен. Тунам нунын ўмбаке Святой Шўлыш – Эн Святой Троицын кумшо тўсшö – волен. Христослан ұшаныше-влакым христианин манаш тўнгалынытыт. Мом христианинлан палыман, тидлан Христос апостол-влакым туныктен да нунын гоч Черкым ыштен. Апостол-влак моло енг-шамычым Христослан да Эн Святой Троицылан ұшанаш туныктеныт. Христослан ұшанымаш вара тўня мучко шарлен.

Иктешлен каласаш гын, Черке – тиде Христослан ұшаныше-влакын погынышт. Тушко кызыт мландымбалне илыше-влак да колышо-влакат пурат. Вет колышо-влакын чонышт шке капышт деч ойырлен да Юмо деке Кавашке куснен. Пылпомыш Кугыжанышыш але Райыш логалше-влак нерген тыге ма-

ныт: тудын чонжо Каваште. Христиан-влаклан полшаш, ұшанымашыштым пенгыдемдаш манын, Господь Юмо черкылан Таинстве-шамычым ыштен. Чылаже шым Таинстве уло, тушто айдемылан Юмын полшыжо да порылыкшо пуалтеш. Тыгай радам дене чыла нине Таинстве Православный Черкыште гына шукталтеш.

Тынеш пуримо Таинстве



Адам ден Еван сулыкышт айдеме тукумым локтылын. Ен-влакын капышкышт чер да колымаш пурен, сандене меат сулыкеш шочшо улына. Тиде ынде чылаштымат сулык ышташ тарата. Кӧргыштӧ

улшо сулыкым айдеме шке вийже дене сенген огеш керт. Чыла кертше Юмо веле тидым ыштен сенга. Шкенжын кугу чаманымашыже дене Тудо мыланна Тынеш пуримо Таинствым пуэн. Тиде Таин-

стве годым айдеме кум гана вўдыш пура, сатана деч да тудын дене кылым кучымо деч корангеш. Эн Святой Троицылан да Юмын Эргыже Иисус Христослан ўшанымыжым луктын каласа. Мемнам утарыше Тудын Жертвыжым налеш. Тынеш пурымо вўдым ме шинча дене ужына, кап дене шижына. Тудын гоч мемнам Святой Шўлыш вашталта, сулыкеш шочшо да локтылалтше айдемым яндарешта. Святой Шўлыш моло Таинстве гочат мемнам Иисус Христос дека лишемаш йўрышым ышта да ыштыме сулыкна деч эрыкта. Тынеш пурымо дене ме у илышлан уэш шочына, вет мемнан сулыкна касаралтеш да айдеме пўртўсна вашталтеш. Шым ияш марте йочам тынеш пур-

тат гын, Господь тудын кап ден чонжым паремда, тудын шке сулыкшо але уке. Тынеш пурымо святой Таинстве деч посна ме Черке погынымашке пурен она керт, моло Таинстве-влакымат шукташ оклий. Тынеш пурыдымо айдеме эше курымаш колымаш деч утлен огыл да курымаш илышлан шочын огыл. Тынеш пурымо годымак вес Таинстве – Миром шўрымө Таинстве – эртаралтеш. Миром шўрымө Таинстве пеш кугу, тидын гоч айдемылан чыла кертше Святой Шўлышын палыже пөлеклалтеш. Миром шўрымаш илышыште ик гана веле лиеш. Миром шўрымө Таинстве эше Кугыжалан шогалтыме годым шукталтеш, моло еглан кокымшо гана шўраш оклий.

Евхаристий але Причастий Таинстве

Черкыш молан кошташ кўлым южо кугыенжат ок пале. «Юмо чыла вере уло да чыла пала гын, мый Тудын дене кеч-куштат мутланен кертам. Молан черкыш кошташ да службышто шогаш кўлеш, мый ом пале», – ойла тыгай ег. Черкыште мо ышталтмым огыт пале, сандене тыге ойлат.

Юмо мемнам чыла вере колеш манмыже чын. Но Юмын пуымо эн тўн пөлекым

– Святой Причастийым – черкыште гына налын кертына. Евангелийыште ме Христосын мутшым лудына: **«Чынак, чынак тыланда ойлем. Айдеме Эргын Капшым огыда коч да Вўржым огыда йў гын, тендан көргыштыда илышда ок лий. Кө мыйын Капем кочкеш да Вўрем йўэш, тудын курымашлык илышыже уло, да пытартыш кечын мый нуным ылыжтем» (Ин.6,53-54).**

Тўняште эн ۆрыктарыше тиде Таинстве черкыште Литургий годым шукталтеш. Тунам йошкар арака ден кинде Христосын Капышкыже да Вўрышкыжۆ савырна. Тудым вара христиан-влак кۆргышкышт налыт. Тидын дене чонышт ден капыштым чер деч паремдат, сулык ден колымашым сенат.

Колышо айдемым ылыжтен кертше вўд нерген ме йомакыште лудынна. Господьлан ўшаныше-влаклан тидын дечат кугу пۆлек пуалтын. Христосын Капшым да Вўржым кۆргышкۆ налме дене айдеме колымашым сенга, тыге Юмын йолташыже да Пылпомыш Кугыжанышын наследникше лиеш.

Черкысе эн тўн тиде службым грекла Евхаристий але «благодарение» – таум ыштымаш маныт. Священникын молитваже дене тунам йошкар арака ден кинде Христосын Капышкыже да Вўрышкыжۆ савырна. Тыгай кугу Таинствылан ме таум ыштен кумалына.

Тиде Таинствын кузе шукталтмыжым Юмо гына пала. Христосын Капшым да Вўржым кۆргышкۆ налме дене ме Тудын дене ушнена, курымаш ылыш дека лишемына. Юмо тидым Шке Дарже гоч пуа, марлаже тидым Пырчес подылмаш ма-



нына. Кۆ черкыште тынеш пурен огыл да службыш ок кошт, нуным христианин манаш ок лий. Нуно Пылпомыш Кугыжанышым да курымаш ылышым огыт нал.

Священникын молитваже дене йошкар арака да кинде кузе Христосын Капше ден Вўрышкыжۆ савырна – тиде кугу Тайне. Кузе Тудо мемнан кۆргыштына ила, тидыжымат ме умылен она керт. Христослан ўшаныше да Тудын шўдымашыжым шуктышо кажне айдеме тидым шке кۆргыштыжۆ шижеш. Молан черкыш кошташ кўлмۆ нерген те ынде паледа. Ен-влак черкыш Святой Пырчесым подылаш да тыгай кугу пۆлек верч таум ышташ коштыт. Чоным утарыше тыгай Таинствым кۆ шке кۆргышкыжۆ ок нал, тудымат христианин манаш ок лий.

Сулыкым касарыме Таинстве



Юмо деч налме Святой Пырчес полшыжо манын, ме ончыч шке шўм-чоннам чыла осал деч эрыктышаш улына. Тидын деч посна Господь мемнам сулык да курымаш колымаш деч ок паремде.

А шке шўм-чоннам кузе эрыктен кертына? Юмо тидлан эше ик Таинствым пуэн – сулык ыштыме верч ۆкынымашым але сулык касарымашым. Сулыкым касарыме годым шке уда пашана, йырнык шонымашна верч чот ۆкынымына нерген священниклан луктын каласена. Молан ме Юмо деч сулыкнам касараш шкеак йодын она керт?

Молан мыланна священник кўлеш? Иктаж-могай сулыкым ыштымеке, мемнан сулыкнам кудалташ вигак Юмо деч йодман. А вот Тудо мемнан сулыкнам кудалтен але уке, тидыжым ме пален огына керт. Тидым шинча дене ужаш да кид дене кучен ончаш ок лий. Господь мемнан шўм-чоннам садак луштарра, да ме куштылгылыкым шижына. Но сулык ыштымына верч ны ен, ны ия мемнам намыслен ынышт керт манын, Господь сулык касарыме властым священниклан пуэн. Черкысе исповедь годым тиде Таинстве шукталтеш.

Храмыш толмеке, Таинством шуктышо священник деке лишемына да чон корштарыше сулыкна нерген каласкалена. Вара вуйнам кумык ыштена. Священник вуйнам шке вургемжын ужашыже – епитрахиль дене – леведеш. Тудо мемнан верч молитвам лудеш. Юмын пуымо власть дене касара.

Лұмынак шылтен кодымо сулыкна уло гын, Юмо мемнан моло сулыкнамат ок касаре, тунам тиде Таинстве ок шукталт. Шарнен шуктыде, иктаж-мом монден кодена гын,

тидым вес гана каласаш лиеш.

Ондаленна, титакым ыштенна, мутым колыштын онал але вес осал пашам ыштенна. Чыла тидын нерген Юмылан каласкалымына дене шұм-чоннам эрыктена, вара иже Пырчес подылмо Таинствыш лишем кертына. Сулыкым касарыктыде, лавыран чон денак лишемат гын, Святой Пырчес подылмет пайдам ок пу. Тыге эшеат кугу сулыкыш пурет. Утарен кертше илыше вұд тунам колымашыш нангайыше вұдыш савырна.

Елеосвящений але Соборований Таинстве

Соборований Таинстве гоч Господь айдемын чон ден кап чержым Шке поры-

лыкшо дене паремда. Господь ұйым святитла, тудым шұрымө-влакым тиде елей



паремда, чыла уда кумыл-шупшамшым, кап ден чонын лавыражым, чыла осалым пытара. Святой апостол Иаковын уло черкылан колтымо серышыштыже тыге возымо:

шым кудалта. Паремаш манын, титакдам икте-весыланда почын ойлыза да икте-весе верч кумалза. Чын ыштышын тыршен кумалмыже шуко ыштен кертеш» (Иак.5;10-16).



«Иза-шольым-влак, Тендан коклаште иктаж-кӧ орлана гын, тек кумалеш. Кӧ поро кумылан тек Юмым чапландарен мура. Тендан кокла гыч иктаж-кӧ черле гын, тек Черкын пресвитерже-влакым ўжеш, нунышт, Господь лўмеш ўйым шўрен, тек тудын верч кумалыт, ўшанен кумалмышт черлым паремда, да Господь тудым кынелта, а языкым ыштен гын, титак-

Священник чот черле ендеке гына мӧнгыжӧ мия. Собырованийым шукуж годым калыклан Пўтӧ годым черкыште эртарат. Ты Таинстве деч ончыч тыгак сулыкым касарыкташ кўлеш.

Айдемым священник служенийыш шогалташ манын, **Священство Таинстве** уло.

Икте весыштым йӧратыше ўдыр-каче-влаклан мужырагаш **Венчаялтме Таинстве** уло. Тиде Таинстве годым Господь нуным суапландара да Шке порылыкшым пуа.

Тынеш пуримо, Миром шўрымӧ, Пырчесым подылмо, Сулыкым касарыме, Соборований, Венчаялтме да Священство Таинстве-влак гоч еҥ-влак Юмын полышым налыт. Чыла поро пашам ышташ

полшышо вий – Юмын порылыкшо, рушлаже «благодать» маныт – пуалтеш. Черке шке Таинствыж-влак гоч еҥ-влаклан чер да курымаш колымаш деч утаралташ, сулык касарымашым налаш, курымаш илышыш шуаш полша. Черке да тудын священникше деч моло еҥ тидым нигушто да нигӧ ыштен ок керт. Ужыда, Черке нерген умылымаш могой келге да кўлешан.

